

Žemaitiu vākū žaidēmā

ŽUVĪS Ē TINKLOS

Žaid 5 ē daugiau vākū. Vēns iš anū ī „tinklos“, vuo vēsē kētē – „žuvīs“. „Žuvīs laksta aplinkou „tinkla“, vuo tas gauda. Ka kuokē „žuvi“ pagaun, so tou sosėkimb ronkuom ē tuoliau gauda jau dvėjau. So-gavus ontra „žuvi“, „tinklos“ padėdie – dabā gauda jau trijau. Žaidēms bėngas, ka vēsas žuvīs ī pagautas.

ŽIOŽĒ MUŠĒMS


Žaistē gal 5–6 ē daugiau vākū nu kuokiū pėnkiū metu omžiaus. Žaidēmou rėk šalika. Anuo vēinamē galē sorėš mazga. Vākā sostuo i eilē. Vēns iš anū iš-eit i prieki, nosėsok, atsėklaup ē ožsėmėrk. Tumet kas nuos iš lėkosiu vākū pajem tou šalika, ožtvuo so anou klūpontėjem par strienas ē greitā numet šalika unt žemės kū tuoliau nu savės. Gavusīs par strienas atsėsok ē miegėn onštėktē, kas daužē. Jē onštėka, i prieki išeit ē atsėklaup ont žemės tas, katros daužē, vuo jē neonštėka, viel tor nosėsoktē, klauptėis ont žemės ē lauktē pakol kas nuors ēš stuovėntiū vākū anoam so šalika mazgo sošveis par strienas.

AKLA VŠTA

Žaid ne mažiau kap trīs vākā. Vēsē sostuo i eilē ē ēšsėskaičiuu (skaičiuoklė gal būtē bile kuoki). Tam, katros iškrent, ožrėš akis – ons būs „akla vēsta“ ē gaudīs vākus. Vuo vāka laksta aplinkou ē pluo delnās, tēp doudamē soprastē, kor anėi īr. Ka „akla vēsta“ kou nuors ēš vākū pagaun, tor atspietē, kas ons ī. Jē atspie, akis ožrėš tam, katrou pagava, vuo jē ne – viel pats ēš naujē gauda.

KATĒ Ē PELIE

Žaid ne mažiau kap septinė vākā. Vēns ēš anū ī „katē“, ontros – „pelie“, vuo kētē vākā sostuo ē ratieli ē sosėkimb ronkuom. Tumet „katē“ praded gaudītē „pelē“, katra gal biegtē aplinkou ratieli, londiuotē prū vākū ronkas i ratelē vėdori. Vākā trogda „katē“ patektē i ratelē vėdori. Ka „katē“ pavīkst pagautē, „pelē“, anodo apsėkeit vėituom ē žaidēms vīks tuoliau.



Kazlauskė Sigita portėgrapėjė

NEŠO NEŠO KIAUŠI

Žaid ne mažiau kap 6–7 vākā. Anėi sotop rato tēp, ka vēsē veizietomės i rata vėdori. Sokiutės anėi negal. Vēns iš vākū ronkuo laika sorėšta nuosėnē a kuokē nedėdėlē koskelē – „kiaušī“. Uns ein aplinkou rata ē vēs garsē kartuo tuokius žuodius:

– Nešo, nešo kiauši par karaliaus ausi.

Eidams nusėveiz kuoki vāka ē, ka nieks nema-ta, paded pri anuo kuoju „kiaušī“ ē ein tuoliau ligo nieka ē nebova, vēs kartuodams tus patius žuodius:

– Nešo, nešo kiauši par karaliaus ausi.

Jē anam apėjos rata, tas vāks, pri katrou kuoju ī padiets kiaušis, nie tuo „kiaušē“ pamatės, priėjės pri anuo garsē pasaka „Spovā!“ ē atsėstuo anuo vėituo. Dabā „kiaušī“ neš tas nepastabos vāks.

Vo jē vāks pajunt, ka pri anuo ī padiets „kiaušis“, staigē atsėstuo, pasėgruob tou „kiaušī“ ē praded gintėis nešieji, vuo nešies skobėnas apėbiegtē rata ēr atsėsiestē tuo vāka vėituo, pri katrou kuoju bova palėkės „kiaušī“. Jē vāks „kiaušē“ nešiejē neprisigėnē, tor pats neštē „kiaušī“ ē vēsks kartuojės nu pradiū.

ATRASK MONA DĀKTA

Žaid ne mažiau kap 4 vākā. Vėinam iš anū ožrėš akis ēr išved i kėta kombari, ka tas nematītom ē negėrdietom, kas vīks kombarie. Pasėlėkē vākā kavuo sava dāktus (nertėnius, keporės ēr kt.) – kuožnos pu vēina. Ka pakavuo, atėdara duris, ileid žaidieji so ožrėštuom akim, norėš anam nu akiū raišti ē trmpā pasaka, kas kou pakavuojē. Vėsū išklausės vāks praded ēiškuotē. Kėinuo dākta atrond pėrmouji, tas kėta karta ēiška. Žaidėma laim tas, katros mažiausē kartu ēiškuojē.

Parėngė Plaušinītė Regina